

太谷縣志總目

卷一

圖考

星野
公署

疆域
學宮

山河
書院

城池
十景

星野

疆域

附
關隘
津梁

卷二

沿革

山川

城池

附
村堡
砦墩
營房

公署

附坊表

學校

壇廟

附寺觀

卷三

古蹟

附碑碣塚墓

水利

田賦

附鹽法

風俗

附土產

職官

名宦

卷四

科目 附鄉飲

仕籍 附封典

卷五

人物 分封 功勛 忠烈 宦蹟 儒林
篤行 耆善 仙釋

列女

卷六

藝文上

御製附明勅諭疏檄序記

卷七

藝文中傳墓誌

卷八

藝文下墓表附祭文賦詩

太谷縣志卷五

人物

史兼褒貶美惡同登以垂鑒也志專揚善一得不遺以示勸也陽邑土厚而泉清生其間者多明幹敦篤讀書知大義顧自元明以前傳人殊少蓋書闕有間矣今据舊志所載暨諸採錄者列爲八目各以類附志人物

分封

周

陽處父晉文公時大夫食采於此因名陽邑文公
嘗使傅驩驩卽位爲襄公處父侵蔡楚子上救
之與晉師夾泚而軍陽子患之使謂子上曰吾
聞之文不犯順武不違敵子若欲戰則吾退舍
子濟而陳遲速唯命不然紓我老師費財亦無
益也乃駕以待子上欲涉大孫伯曰不可晉人
無信半涉而薄我悔敗何及不如紓之乃退舍
陽子宣言曰楚師遁矣遂歸晉人伐魯魯文公
如晉晉人使處父盟公故春秋書曰及晉處父

盟及楚人圍江也處父伐楚以救江旣而聘於
衛晉蒐於夷使狐射姑將中軍趙盾佐之處父
至自衛改蒐於董易中軍以趙盾謂趙盾能曰
使能國之利也是以上之宣子於是始爲國政

漢

馮 魴字孝孫南陽湖陽人也其先魏之支別食

采馮城因以氏焉秦滅魏遷於湖陽爲郡族姓
王莽末四方潰叛魴乃聚賓客招豪傑作營塹
以待所歸時天下未定四方之士擁兵者甚衆

唯魴自守兼有方畧光武聞而嘉之建武三年
徵詣行在所見於雲臺拜虞令爲政敢殺伐以
威信稱遷郊令後車駕西征隗囂潁川盜賊羣
起郊賊延褒等衆三千餘人攻圍縣舍魴率吏
士七十許人力戰連日弩矢盡城陷魴乃遁去
帝聞郡國反卽馳赴潁川魴詣行在所帝按行
營處知魴力戰乃嘉之曰此健令也所當討擊
勿拘州郡褒等聞帝至皆自髡剔負鈇鑕將其
衆請罪帝且赦之使魴轉降諸聚落縣中定詔

乃悉以褒等還魴誅之魴責讓以行軍法皆叩
頭曰今日受誅死無所恨魴曰已知悔過伏罪
今一切相赦聽各返農桑爲令作耳目皆稱萬
歲是時每有盜賊並爲褒等所發無敢動者縣
界清淨遷魏郡太守以高第入代趙熹爲太僕
從東封岱宗行衛尉事還代張純爲司空賜爵
關內侯更封陽邑鄉侯食三百五十戶魴性謹
嚴公正在位數進忠言多見納用元和二年卒
時年八十六餘詳東漢書列傳

功勛

北齊

白

建字彥舉初入大丞相府任騎兵曹典文帳
明解書計爲同局所推天保末兼中書舍人孝
昭輔政除大丞相騎兵叅軍河清二年除員外
散騎常侍武平末厯位尚書特進侍中中書令
封高昌郡公諸子幼弱俱爲州郡主簿男女婚
嫁皆得勝流卒贈司空建勤於在公以溫柔自
處與太原唐邑俱以典執兵馬致位卿相故世

稱唐白云

後唐

李嗣昭本姓韓氏太谷縣民家子也爲晉王李克
用養子爲人短小而膽勇過人常從用兵爲內
衙指揮使梁破河中因大舉擊晉圍太原嗣昭
自以精騎出擊會大雨梁軍解去復汾慈隰諸
州爲昭義軍節度使梁遣李思安將兵十萬攻
潞築夾城圍之嘗遣人招降嗣昭斬其使閉城
拒守踰年梁晉戰胡柳周德威戰死莊宗懼欲

收兵還嗣昭曰梁軍旦暮思歸吾若收軍使彼
休息整而復出何以當之宜因其乏撓以精騎
可立勝也莊宗從之大敗梁軍於是遂城德勝
矣權知幽州數月將去人皆號泣閉關遮留之
莊宗擊契丹被圍數十重嗣昭以三百騎決圍
取莊宗以出後攻張文禮於鎮州以奇兵擊之
鎮軍且盡餘三人匿破垣中嗣昭馳馬射之反
爲賊射中腦乃拔矢於腦射殺一人還營而卒

忠烈

明

韓 唐由太學生授山東萊蕪縣主簿正德七年
流賊楊虎等引衆攻城唐躬率男拒戰斬賊首
數十級力盡被害事聞贈萊蕪縣知縣仍蔭其
子入監

董 綸字彝之以太學生授河南歸德府檢校嘉
靖辛丑賊師尚詔等犯境綸時署巡捕事設奇
獲其脇從意在殲之當事者沮其議庚午夜賊

突入城戮民劫庫典衛者悉竄伏綸奮不顧身
乃執斲率姪董魁併一童與賊戰於衙巷其妻
賈氏執鎗從之已而被執不屈罵不絕口遂與
妻併姪僮俱死於賊撫按交章上其事贈歸德
府同知立祠於社曰雙節廕子入監至冬奉旨
入鄉賢海內士大夫稱其節烈儕之張許云

董

魁

事見
上

武維周由舉人任大城縣知縣守城有功中矢身
死閣部楊嗣昌題請叙恤仲子廩生武昌齡赴

闕奏聞奉旨是城守著勞委宜優恤贈光祿寺少卿仍賜葬銀二十兩誥命一道配享京師三忠祠入本縣鄉賢祠

國朝

武象乾邑庠生順治元年闖寇陷城歸伏臥室一賊入手刃之一賊又入又手刃之立斃數賊餘賊悸不敢入呼羣賊揭屋頂父子四人俱被執裂眦豎鬚大罵而死

杜光輝貢生擢之子博覽羣書性喜吟咏闖賊陷

城不屈投井而死

郭民翰字憲芳家世業儒體貌魁偉爲郡諸生平
時教授生徒每至忠孝節義之事必反覆開說
期共勉勵順治元年闖賊敗兵陷城守埤者皆
潰散獨挺鎗奮呼集民人李某等拒賊南城樓
側力盡被執罵賊投井而死

趙 譔叅政體敬之子謙和睦里疎財好施闖賊
陷城侃然不屈遇害

李元芳賦性剛直不阿勢要闖寇之變被執罵不

絕口與妻貞氏同遇害

貞觀光邑庠廩生賊陷城入宅正襟危坐衣冠不
亂賊迫脅不去投井而死有子二長萃芳次萃
升俱邑庠增生兄弟和睦庭無間言知縣秦給
額以示獎云

張凌霞乾隆丁巳一甲二名武進士由侍衛出任
福建參將擢副將陞雲南開化鎮總兵被劾回
籍二十二年命往西路軍營効力積戰功署守
備十月隨大將軍兆惠進擣葉爾羌回賊二萬